

ՀԱՇՎԵՏՎՈՒԹՅՈՒՆ

2018թ. հունիսի 26-ից 29-ը Դա Նանգ (Վիետնամի Սոցիալիստական Հանրապետություն)՝ Հայաստանի Հանրապետության բնապահպանության նախարար Էրիկ Գրիգորյանի գործուղման վերաբերյալ

1. ԳՈՐԾՈՒՂՎԱԾ ԱՆՁ

Էրիկ Գրիգորյան

2. ԶԲԱՂԵՑՐԱԾ ՊԱՇՏՈՆԸ

ՀՀ բնապահպանության նախարար

3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ

Դա Նանգ (Վիետնամի Սոցիալիստական Հանրապետություն)

2018թ. հունիսի 26-ից 29-ը

4. ՀՐԱՎԻՐՈՂ ԿՈՂՄԸ

Գլոբալ Էկոլոգիական Հիմնադրամ

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն՝ Գլոբալ Էկոլոգիական Հիմնադրամի (ԳԷՀ) Ասամբլեայի 6-րդ նախարարական նստաշրջաններին

6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ,

ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Դա Նանգ քաղաքում տեղի ունեցած Գլոբալ Էկոլոգիական Հիմնադրամի (ԳԷՀ) Ասամբլեայի 6-րդ նախարարական հանդիպմանը մասնակցում էին Գլոբալ Էկոլոգիական Հիմնադրամի անդամ 183 երկրների ներկայացուցիչներ, նախարարներ, որոնք հանդես եկան իրենց ելույթներով: Հանդիպման ժամանակ ես ևս հանդես եմ եկել ելույթով (ելույթը կցվում է):

Քննարկումների ընթացքում կարևորվեց շրջակա միջավայրի մարտահրավերներին դիմակայելու «տրանսֆորմացիոն փոփոխության»

անհրաժեշտությունը և հրատապությունը՝ մասնավորապես կարևորելով ԳԷՀ-ի դերը այդ ուղղությամբ՝ նկատի առնելով, որ վերջինս հանդիսանում է համաշխարհային մակարդակով շրջակա միջավայրի պահպանությանն ուղղված առանցքային ֆինանսական գործիք: Ընդունելով կլիմայի փոփոխության, անտառահատումների, հողերի դեգրադացիայի, ջրային ռեսուրսների և պլաստիկ աղտոտվածության համընդգրկուն խնդրի հրատապությունը՝ ընդգծվեց միջազգային համագործակցության խորացման անհրաժեշտությունը՝ համապարփակ և փոփոխապակցված լուծումներ գտնելու նպատակով: Կողմերին սերտորեն համագործակցելու կոչ եղավ, որպեսզի նման հանդիպումների ընթացքում ձեռք բերված համաձայնությունները կյանքի կոչվեն՝ ներկա և ապագա սերունդների համար առավել դիմակայուն և կենսունակ մոլորակ ունենալու նպատակով:

Նստաշրջանի ընթացքում ֆինանսական միջոցների տեղաբշխման արդյունքում Հայաստանին հատկացվել է 7.450.000 ԱՄՆ դոլար դրամաշնորհ ԳԷՀ-7 իրականացման ժամանակահատվածի համար: Այն ուղղվելու է կլիմայի փոփոխության, կենսաբազմազանության պահպանման և հողերի դեգրադացիայի դեմ պայքարի ծրագրեր իրականացնելու նպատակով:

7. Ձեռք բերված ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ

Հանդիպման ընթացքում, ի թիվս օրակարգով նախատեսված քննարկումների, տեղի են ունեցել նաև մի շարք առանձին երկկողմ հանդիպումներ, որոնցից առավել ուշագրավ է՝

- Համաշխարհային բանկի շրջակա միջավայրի և բնական ռեսուրսների գլոբալ պրակտիկայի գլխավոր տնօրեն տիկին Կարին Կեմպերի հետ հանդիպումը, որի ընթացքում մեր կողմից վերահաստատվեց պատրաստակամությունը համագործակցելու «Բնություն պարտքի դիմաց» գործընթացի շրջանակներում: Ներկայումս բանակցություններ են ընթանում գործընթացի և համագործակցության ձևաչափի հստակեցման ուղղությամբ:
- Կլիմայի կանաչ հիմադրամի(ԿԿՀ) քարտուղար Հավարդ Բամսեի հետ, որի ընթացքում քննարկվեցին ԿԿՀ կողմից հատկացվող դրամաշնորհներից Հայաստանի՝ առավելագույնս օգտվելու հնարավորությունները: Պայմանավորվածություն ձեռք բերվեց նաև Հայաստանում ստեղծելու ԿԿՀ տարածաշրջանային գրասենյակ:

- ՄԱԶԾ Գլխավ քնապահպանական ֆինանսավորման գործադիր համակարգող Ադրիանա Դինույի հետ
- Վերակառուցման և զարգացման եվրոպական բանկի նախագահ Սիր Սոմա Չակրաբարտիի և այլ հեղինակավոր միջազգային քնապահպանական կազմակերպությունների ղեկավարների հետ:

Բոլոր առանձնագրույցներում իմ կողմից վերահաստատվել է երկրի դիրքորոշումը՝ քնապահպանական հիմնախնդիրները ճանաչելու որպես հրատապ օրակարգային հարց:

ՀՀ քնապահպանության նախարար՝

Է.Գրիգորյան